

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին
թիվ 1910405262 որոշումն անփոփոխ թողնելու մասին

<<30>> 12 2019թ. 14-4-11168

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հայկ Մանուկյանի դիմումի (ՄԴ/6039-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Հայկ Մանուկյանը դիմումով հայտնել է, որ վարել է OPEL մակնիշի 36A0316 համարանիշի տրանսպորտային միջոցը և խնդրել նշված տրանսպորտային միջոցով կատարված իրավախախտումներով կայացված թիվ 1910447905, 1910523651, 1910406514, 1910413649, 1910434793, 1910276677, 1910256048, 1910291845, 1910263127, 1910405262 որոշումները վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն՝ գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները:

Նյութերի ուսումնասիրության ընթացքում պարզվել է, որ Ճանապարհային ոստիկանության թիվ 1910447905, 1910523651, 1910406514, 1910413649, 1910434793 որոշումների մասով ներկայացված ապացույցները բավարար են դրանք Հայկ Մանուկյանին վերահասցեագրելու համար, իսկ թիվ 1910405262 որոշումը կայացվել է այլ տրանսպորտային միջոցով կատարված իրավախախտմամբ և դիմումատուի կողմից չեն ներկայացվել բավարար ապացույցներ վերոնշյալ որոշմամբ ամրագրված իրավախախտումն իր կողմից կատարված լինելու վերաբերյալ, ուստի այն վերանայման ենթակա չէ: Միաժամանակ՝ թիվ 1910276677, 1910256048, 1910291845, 1910263127 որոշումների մասով բերված գանգատը քննության ենթակա չէ, քանի որ դիմումատուն չի պահպանել Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված վարչական իրավախախտման վերաբերյալ գործի որոշման դեմ գանգատ տալու համար սահմանված 30-օրյա ժամկետը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910405262 որոշումը թողնել անփոփոխ:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակներն ուղարկել Հայկ Մանուկյանին (հասցեն՝ Գեղարքունիքի մ., Սևան, Գրիբոյեդովի փ., 72., 16բն.), վարչական ակտի հասցեատեր Նարինե Կիրակոսյանին (հասցեն՝ ք.Երևան, Վանտյան փ., 27տ.) և ՏՄՀԽԱ կենտրոն:

Կատարող Ս.Ալեքսանյան



Ե.Կարապետյան